



Mae'r ddogfen hon ar gael yn Gymraeg yn ogystal â Saesneg.

This document is available in Welsh as well as English.

A yw Heddlu Dyfed-Powys yn rheoli troseddwr stelcio ac aflonyddu'n effeithiol?



Comisiynydd Heddlu a Throseddu
Dyfed-Powys
Police and Crime Commissioner



Adolygiad Craffu Dwys | Gorffennaf 2023

Beth wnaethom ni...

Asesu rheoli troseddwr stelcio ac aflonyddu drwy:

- Ymchwilio i broffiliau data troseddau stelcio ac aflonyddu lleol a chenedlaethol.



- Adolygu gweithgarwch craffu, arferion hyfforddi, ac adroddiadau ac argymhellion sy'n bodoli eisoes.



- Cyfweld ag arbenigwyr, aelodau staff a swyddogion allweddol.



- Hap samplu achosion stelcio ac aflonyddu.



- Ymgysylltu â dioddefwyr a chraffu ar ddata bodlonrwydd dioddefwyr.



- Ystyried defnydd yr Heddlu o orchymnion sifil ac adolygu Gorchymnion Gwarchod Rhag Stelcio.



Ein prif gasgliadau...

- A yw dioddefwyr yn cael eu cefnogi?** Nid yw dioddefwyr yn teimlo eu bod nhw'n cael eu cefnogi, ond mae hap samplu'n awgrymu bod dioddefwyr yn cael eu diogelu.
- A yw ymddygiad troseddol yn cael ei atal?** Mae angen gwneud mwy, yn arbennig o ran defnyddio a rheoli gorchymnion sifil, er mwyn ymdrin yn gyson a chadarn â phob troseddwr stelcio ac aflonyddu.
- A yw'r system cyfiawnder troseddol yn cael ei defnyddio'n effeithiol?** Mae gorchymnion sifil ac erlyniadau'n cael eu hystyried a'u defnyddio fwyfwy, ond mae tystiolaeth hefyd bod diffyg cysylltiad rhwng dealltwriaeth y dioddefydd, yr heddlu a'r llysoedd o'r ymateb i droseddau mynych a thorri amodau.
- Mae Heddlu Dyfed-Powys wedi gweithredu neu nodi mentrau ar gyfer gwella ymateb yr heddlu i stelcio ac aflonyddu.

Pam wnaethom ni hyn...

Er mwyn rhoi mewnwelediad annibynnol i effeithiolrwydd prosesau rheoli troseddwr a weithredir, a diogelu dioddefwyr o ganlyniad i'r prosesau hyn.

- Nododd y Comisiynydd Dafydd Llywelyn stelcio ac aflonyddu fel maes pwysig ar gyfer gweithgarwch craffu, gan gyfrannu at y tair blaenoriaeth plismona a nodir yn ei Gynllun Heddlu a Throseddu ar gyfer 2021-25. *IY Cynllun Heddlu a Throseddu:* <https://www.dyfedpowys-pcc.org.uk/media/11089/cynllun-heddlu-a-throseddu-2021-2025-dyfed-powys.pdf>
- Mae'r Prif Gwnstabl Dr Richard Lewis wedi pennu blaenoriaeth i'r Heddlu i weithio tuag at ddileu cam-drin domestig, stelcio ac aflonyddu.
- Mewn perthynas â Chynllun y Comisiynydd, ceisiodd yr Adolygiad ddeall:**
 - Pa un ai a yw dioddefwyr stelcio ac aflonyddu'n cael eu cefnogi;
 - Pa un ai a yw ymddygiad stelcio ac aflonyddu troseddol yn y dyfodol yn cael ei atal; a
 - Pha un ai a yw'n system cyfiawnder troseddol yn cael ei defnyddio'n effeithiol er mwyn sicrhau bod dioddefwyr yn cael eu cefnogi a bod niwed yn cael ei atal.

A yw Heddlu Dyfed-Powys yn rheoli troseddwr stelcio ac

aflonyddu'n effeithiol? Mewn nifer o achosion, gwelwys fod Heddlu Dyfed-Powys yn rheoli troseddwr stelcio ac aflonyddu'n effeithiol, ond nid oedd yn ddarlun cyson.

Ein prif argymhellion...

- 1 Darpariaeth adnoddau** – blaenoriaethu ariannu a recriwtio ar gyfer rolau hanfodol, a cheisio cyngor a chymorth arbenigol yn rhagweithiol.
- 2 Hyfforddiant** – adolygu'r rhaglen hyfforddi Eiriolwr Stelcio, ac ystyried dysgu o Ymgyrch Soteria Bluestone.
- 3 Data** – ehangu Dangosfyrddau Perfformiad ar gyfer craffu'n fwy manwl ar orchymnion sifil, a sicrhau mynediad hawdd ar gyfer swyddogion i gofnod llawn o hanes troseddwr o dorri amodau.
- 4 Ymyriadau Troseddwr** – ymgorffori'r Arf Blaenoriaethu Troseddwr ledled yr Heddlu, ac ystyried defnyddio amrediad o ymyriadau, gan gynnwys gorchymnion sifil, fel rhan o strategaethau rheoli troseddwr.
- 5 Monitro Troseddwr** – ystyried gweithredu prosesau ar gyfer rheoli gorchymnion sifil, gan gynnwys cynyddu monitro a gwaith dilynol, a chynnwys llais y dioddefydd mewn adolygiadau o orchymnion sifil.
- 6 Dioddefwyr** – ailymweld â Chytundebau Cyswllt â Dioddefwyr ar wahanol gamau'r ymchwiliad, a sicrhau bod dioddefwyr yn derbyn y wybodaeth ddiweddaraf, yn unol â'r Cytundeb.

